

則當以武臣有識者差送可也閩孫事書狀內云無凍傷者則今不可推也當令監司更審以啓仍傳于政院曰三衛將拿來李之芳三屯驅逐後推問碩秤當道差也○傳于義禁府曰前黃州牧使李遂江界府使韓珪定州牧使柳泓等間送等處野人驅逐時以衛將留陣于虛空橋而李函則不謹斥埃輕出遇賊韓珪則不能赴時力救并令軍卒多被殺擄柳泓則事變聞知不即救援並拿來推考○庚子 御勤政殿簷下受朝參○御書講○臺諫啓別試講經事及李之芳藩碩秤事皆不允○夜乾方有如鼓聲又如風雨聲○辛丑政院啓曰來二十五日乃元子生辰百官例當賀禮但前此所未行之事敢稟傳曰世子時未出班賀禮不可爲也○政院啓曰假衛將李坤入直昌德宮去初五日朝中饅頭詐即死其時喫者數人嘔吐恍惚臣等意恐置毒事曰一時喫饅頭者皆不省人事置毒明矣即令禁府囚其李坤家奴問其饅頭來處令漢城府用銀釵以驗其毒○下李坤檢屍單字于政院曰只稱銀釵有微黑色黃色而已他無傷處云何以無實因耶承旨尹仁鏡啓曰若無毒則銀不變色今云有黑色黃色則其為置毒明矣○自南方至巽方有氣如火○壬寅 御書講○傳曰今日風亂其遣史官于